


浙江通志

卷十七


祠記一



漢書門			
二	三	五	類
九	一	二	號
一	一	二	函
一	二	〇	架
一	二	〇	冊

內閣文庫			
二	一	三	漢
九	一	二	書
一	一	〇	冊
一	一	〇	架
一	二	〇	冊

內閣文庫			
番號	漢	2352	
冊數	120	(88)	
函號	292	48	



修浙江通志卷二百十七

淺羊天庫

祠祀

忠惠百神凡有功德於遠者歲歲法祀所以告幽明
崇誠敬也


朝五禮修明而於崇德報功之典為尤重焉維浙東西
嶽墳之祀一遵有加廣於羣神有翠莫廢凡以為斯
民求福無不獲也

杭州府

錢塘縣

仁和縣

卷二百十七



元農壇 在廣春門外東郊仁和縣臨九十一畝

國朝雍正四年八月欽奉

上諭國家以民爲本民以食爲天朕卽位以來念切民依

舉行耕藉之禮雖鳩精誠爲民祈穀於

帝乃雍正二年三年繼而豐產嘉禾有至一壘九穗者朕

心亦以爲偶然之事今據府尹劉子義進呈今歲藉田

所產一壘雙穗三穗以至八穗九穗皆碩大堅好異

於常穀朕見之心甚懋悅特令宣示廷臣朕並以此

爲祥瑞誇於衆也蓋實有見於天人感召之理捷於

影響無纖毫之或爽朕以至誠肅懇之心每歲躬耕

田以重農事卽蒙

上帝降鑒豐產嘉禾以昭休應似此八穗九穗之穀豈人力

之所能強爲亦豈人君所能強之使有乎天人感應之

理朕見之最真最切但恐此心不誠耳誠則未有不動

者卽如從前青海蠢動朕爲邊陲憂慮虔禱於宮中不

數旬而捷音卽至疆宇寧謐又聞前歲夏間近畿雨澤

稍愆朕在宮中默禱減膳修省虔誠叩懇不數日而甘

霖大沛禾稼有秋此皆近年以來朕親行親驗之事至

於去年夏秋之間時常陰雨而朕在宮中但覺雨水稍

多不知其大爲民患而李維鈞並不將畿輔被潦實情

具奏是以朕竟不聞知未嘗早為虔禱殫竭誠心以挽
意而舒民困及蔡挺署直隸總督事務詳細奏聞朕宵旰
憂勤幾廢寢食於是截漕發倉多方賑濟京城設廠各
邑興工俾窮民皆得餬口是以地方雖被水災而小民
不致流離失所朕撫綏憫惜之念實為迫切今歲二麥
豐收禾黍暢茂此皆

上天俯鑒朕衷故加惠黎元而錫以盈寧之慶也蓋天
而立之君鑒觀在上人君一念敬謹政事無
之佑之一念放逸政事有乖天必儆之戒之
理也况人君撫馭臣庶位處極尊所以賞罰之

上天耳是以朕每於水旱等事皆實心內省必係朕有過失
上天儆戒示譴也至於各省旱澇之事朕皆視同一體原無
彼此之別惟是地方相隔路遠彼地偶有水旱有司未
必卽行具報及至奏達朕前而緊急之時已過是以朕
無從盡其誠心為之祈禱此其責全在本省督撫矣督
撫受朕委任之重為朕養育萬民必視百姓之疾苦如
痛癢之在己身一遇水旱飢饉必思所以致此之由或
因本省之政事吏治有關卽思速為改易之或因本地
之人心風俗不端卽思速為化導之兢兢業業修省祈
禱竭盡誠心一如朕之朝乾夕惕斷無不可以挽回

天意者假若聞朕之政事稍有闕失亦卽直言陳奏不必隱諱如此則官與民聯爲一體臣與君又聯爲一體太和翔洽實意交孚天聽雖高誠呼吸可通矣朕每歲躬耕藉田並非崇尚虛文以爲觀美實是敬天勤民之至意禮曰天子爲藉千畝諸侯百畝據此則耕藉之禮亦可通於臣下矣朕意欲令地方守土之官俱行耕藉之禮使之知稼穡之艱難悉農民之作苦量天時之晴雨察地利之肥磽如此則凡爲官者皆時存重農課稼之心則凡爲農者亦斷無苟安息惰之習似與養民務本之道大有裨益着九卿詳議具奏特諭欽此隨經九卿等

議覆欽遵各省一體舉行創建錢塘縣知縣秦和仁
和縣知縣劉漢儒奉文共置藉田九畝八分又壇基
地五畝九分零灌溉蕩一畝八分零壇制於東郊潔
淨之地田在壇前壇中正祠五間左右翼七間後立
寢室內供先農炎帝神農氏之神先農厲山氏之神
先農后稷氏之神祭品祭器祭儀照先師之禮每歲
二月亥日督撫主耕從耕者二員一員進鞭一員進
耒外置田畷四人以兩人扶犁兩人牽牛主耕者左
手秉耒右手執鞭九推步行盡壟而止耕畢司道及
府廳州縣次第躬式耕推亦俱盡壟而止藉田之左

右四旁則令耆老農夫終其畝焉反於寢室送神灌
壇徹祭飲福其各府州縣俱以掌印官主祭主耕統

如前式

按通志各門每縣分載先叙城內次及城外如山川古蹟關梁寺觀之屬皆準此例惟祠廟一門因先農壇俱在城外最為鉅典應列諸祠之前而社稷山川諸壇凡附郭之縣皆不分設例難盡一故錢塘仁和兩縣壇廟統附於府而外屬各縣仍行分列但不分城內城外悉依時代為先後與諸門體例稍不同以下各府倣此

社稷壇 成化杭州府志在錢塘門外西北祭以

二神上祀杭州府志明洪武三年杭州知

建於城北 舊浙江通志附郭二縣不別置餘郡縣如制

風雲雷雨山川壇 成化杭州府志在城西南包家山

春秋二仲祭奉遷城隍神主共壇合祭 舊浙江通志附郭二縣不

郡廟 成化杭州府志在城北霍山坊內每歲春清

明日秋七月十五日冬十月一日奉城隍神以主厲

祭設無祀鬼神之位於壇下錢塘仁和以附府不置

縣厲 仁和縣志其坊隅鄉

先師廟 詳見學校 各府州

崇聖祠 詳見學校 各府州

名宦祠 詳見學校 各府州

鄉賢祠

詳見學校

各府州縣同

城隍廟

咸淳臨安志舊在鳳凰山據會要為永固廟

宋紹興九年移寶月山三十年勅封保順通惠侯

紹興

三十年勅錢塘為郡尚矣維城與隍必有神主之况歲之豐凶時之水旱民之疾疫求焉而必應者哉朕今駐蹕於此視之不異畿甸重侯美號用疏不次之封其歆其承禾妥爾祀可特封保順通惠侯

化杭州府志咸淳間加號曰輔正康濟明德廣勝王

明洪武三年正祀與詔各處府州縣城隍止稱某府

州縣城隍之神錢塘縣志永樂中始勅封浙江故按

察使周新為城隍之神成化十年後寢火布政使

良重建弘治十六年御史夏景和拓新重建

杭州為浙之名郡帶江襟海控吳扼越萬阜生聚百萬阜作夜息關析不驚奚所庇憑惟城惟隍弘治癸亥春雨暘不時苗及田穀巡按御史夏公率屬吏持符符謁城隍告焉仰見棟危門圯謂茲民主意情勿謂以是福明神乃出贖金命益瑛經度其事閱月功告成竊惟積土為城壁立而垣繚居者屏倚積水為池波回而川匯居者塹依冥漠之中許其尸之緬想其神受命上帝專職保民此固百姓所宗有國者所秩祀也矧天日鳳舞吳山馬立萬松諸峯如虎羣踞海潮西湧長江東下西湖千頃天涵日沃杭之城杭之隍視芳城漢水形勝過之其神之威宜何如也神之威則廟之崇非侈也宜也

萬曆三十五年廟燬邑人金學會請

於制府劉一焜倡捐重建

杭州府知府姚之蘭實董其成

張大猷為

記

國朝康熙六年水師副將王處重修易殿柱為石二十一

年按察使孟卜重建牌坊并新右司齋廳三十六年翰林學士揆叙重新廟制又出麓別有府城隍廟未詳創始

旗纛廟

萬曆杭州府志在太平里普濟橋東廟制中

為神宇前為櫺星門外為大門去宇東數十步為牲

房庖福又東南為箭亭宇西為火藥庫櫺星門之外

東西皆齋宿所錢塘縣志明洪武三年建於都司屬

後八年徙建今處歲以霜降日祀軍牙六畜之神

東嶽廟

錢塘縣志一在吳山馨如坊宋大觀中建

忠觀淳佑間重建有理宗御書東嶽之殿四

學明嘉靖十一年一在中山一在中山一在中山

建崇萬曆間尋祀

東嶽廟山重葺一在口淡生垂山嶽口東南渡初建嘉

定廿七年樞使史弼起請於朝竟元一貞慶二年落成

至今為統部嶽廟之祀

今必若信設新水歷代封禪必登此山長老上者使

不虛幸而吾杭嶽廟中區三區一在市中一在

城外八塔嶺一在古寺山一在城一十里入山

路此為最善者二一傳而更長分四以高台於

總道路者皆在無休焉或曰三嶽嶽嶽何意

今日神靈既也其泉泉泉泉泉泉泉泉泉泉泉泉

至今五百餘年而崇奉若隆一日方之所我我我我

三月余往請廟見一碑露日言事我言言言言言

既風雨凍無日矣易靈靈之祠日碑然其在東其靈

豈或只是神意欲更靈之也新祠建於文彰之

寺無然於長道其斷木質石之

廣靈

成化杭州府志在石塘壩宋景定四年九月

湖塘二鄉里人耆老曰立東嶽溫太尉廟請於湖陽

廣靈為額成淳五年封正佑侯餘以

神皆錫侯爵李孚佑錢憲佑劉顯佑楊順佑康安

張廣佑岳協佑孟昭佑韋威佑

系天靈應廟

舊浙江通志在吳山城隍廟東西

覽志舊為天地水府三官故俗稱三官廟未始

年建名玉虛觀端平三年重賜今額有天

開禧元年末燬明洪武二十三年重建

梓潼帝君廟

一在吳山城隍廟之左嘉熙間蜀人

子才等請立廟元末燬明初重建

國朝康熙二十五年燬巡撫都御史金鉉復建一在孤山

四賢祠萬曆間南嶺巡撫邑人洪瞻祖修後燬

國朝康熙間兩江總督范承勳浙江巡撫年巡撫張

貢院東有佑文祠俗稱文昌閣康熙庚午年巡撫張

鵬翮建觀橋西亦有文昌閣又雍正八年總督

衛於紫陽書院山頂建文昌祠奉孤山舊祠之像於

太歲廟舊浙江通志在吳山海會寺西錢塘縣志宋

紹興初建理宗書額曰至德之觀元至正間燬行省

丞相達識帖木兒重建元末又燬明天順六年重建

每歲迎春奉句芒神於北宮陳水郡山神廟

火德廟 西湖游覽志宋南渡後建於吳山以奉熒惑

之神錢塘縣志明洪武中布政使王鈿永樂中參政

易杲相繼重建

曰朝康熙二十五年燬巡撫金鉉重建雍正六年燬

李衛書志書浙江通志又教場內有火神祠

嘉仁相傳志明嘉靖六年建

水神廟 杭州府志在寶月山明萬曆

龍泉

陳學易吳山水德廟記杭會城吳山巋然南

相傳火形故數有鬱攸之災其與家謂宜建水

神廟於癸方居天吳以制之耆民姚世明輩遂曰於

左方伯河東趙公參政吳郡劉公購地寶月山之北

為畝者四甫築基忽地湧出泉極清澈蓋在高山之

龍廟面北構高樓樓神面西建宇祀龍君後數步而

始作於萬曆戊戌四

月落成於今年九月

龍神廟 在吳山大觀臺下

國朝雍正五年 上遣官賞送龍神像於浙

勅封福越滋農龍神巡撫 李衛擇地創建并於廟後建

兩師風伯亭歲時祈禱必應有司崇祀惟謹

嘉澤廟 咸淳臨安志 舊在錢塘門外二里號錢塘湖

龍君錢氏表請封廣潤龍王宋累封為淵靈溥澤侯

廟始梁大同中乾道五年周安撫淙以禱雨應重建

淳祐八年趙安撫與憲又建且亭其前之井扁曰寒

泉 武林舊事 卽水仙祠有薦菊泉及亭 錢鏐廣潤龍王廟碑 錢塘

湖者西臨靈隱東枕府城澄千里之波瀾承諸山之

源派固有神龍居止水府司存降景祐於生靈與旱

涸之風雨原其自編祀典積有歲年雖承奠酌之規

未施展敬之所予遂建立殿堂表奏乞加號號果蒙

天澤並降徽章其所奉勅旨具錄於後 勅 錢塘重地

會稽名邦垂古今不朽之基繫生聚無疆之福時茲

舊蹟特版新規豈曰神謀實因心匠錢鏐普君之風

永隆其政至誠所切遂致感通其錢塘湖龍王廟

事告終來哲所繕神卒贊之罔 佛民願肴酒之報我媿不腆

玉泉龍王廟 咸淳臨安志 在淨空院嘉泰初賜廟額

曰靈泉嘉定初改仁惠嘉熙四年又改神運淳祐八

年重建廟封嘉應公後加曰溥澤 詳見

黃龍祠 萬曆杭州府志 在錢塘門外掃帚塢宋淳祐

間建以禱雨有應封靈濟侯賜祠額曰護國龍祠明

洪武七年卽舊址建祠題今額 徐一夔黃龍祠記 黃

陰自其址斗折而上水泉紺寒深不可測旱不縮而

潦不盈有龍居焉故老相傳夏雨初霽時嘗有神物

蜿蜒卧於松上其氣茆茆然而黃蓋黃龍也故世

黃龍洞祠在洞側以棲龍神宋淳祐間無門開禱

有道行嘗說法龍興之黃龍山而歸卓錫茲山之麓見洞中嘗現光怪禱雨輒應或謂龍隨師至云時孟少保琪捐財建寺理宗封龍為靈濟侯賜額護國龍祠至正末兵燹大作龍蟄不見祠毀歲亦多歉寺僧祖吉屏居南山石屋慨然欲振無門之風詣洞祝曰祖道弗墜龍其來歸乎遂募緣興造洪武七年六月天久不雨民皆憂惶郡守相率致禱三日得大雨遂具木石屬通判王佐董其事帥其故處作祠棟宇聳飛林壑改色題曰黃龍祠者從世所稱也

龍井龍王祠

咸淳臨安志在風篁嶺上旁有德威亭

采寧宗加封誥文昔我高宗千乘萬騎嘗登南山之風篁嶺駐蹕龍湫酌泉於上一草一本咸被昭回之光時難明神實見敬禮涓滴分派通海澹湖寸草必與朕今以敬侯美稱加寵於爾神珠宮具其源華袞輪臺其永有耀冀我鄰邑張爾普濟澤王

南高峯龍王祠

咸淳臨安志在榮國寺後鉢盂潭累

封為孚應昭順侯咸淳五年七月安撫潛說友以久

晴禱潭上覺微雨沾衣頃之甘澍如傾乃即故址為

創廟以答靈貺

白龍王廟

咸淳臨安志在臨平東山

黑龍王廟

咸淳臨安志在超山仁和縣東北六十里

宋嘉定間趙忠獻公宰邑禱雨屢驗請於朝賜通靈

為額累封通靈惠應宣濟昭惠侯

白澤大王廟

杭州府志在純禮坊宋景德年間遣中

尉梁元帥專督漕運行至海中有猛獸號白澤者出

沒海中洪濤陡作運船幾覆忽見空中一人乘龍馬

白揮鞭驅逐白澤趨服洪濤頓息糧運以全因建祠祀

之後奏請勅封土神

順濟聖妃廟 成化杭州府志在艮山門外艮山有祠

自商份感夢始開禧寶慶一再創建又有別祠在候

潮門外蕭公橋

丁伯桂艮山順濟聖妃廟記神莆陽

之號通賢神女或曰龍女也莆臨海有堆元祐丙寅

夜現光氣環堆之人一夕同夢曰我潮州神女也宜

館我於是有祠曰聖堆宣和壬寅給事路公光迪載

書使高麗中流震風八舟沉溺獨公所乘神降於橋

遂獲安濟明年奏於朝賜廟額曰順濟紹興丙子以

郊典封靈惠夫人逾年江口又有祠祠立二年海安

灘陵效靈空中風掣而去舟上其事加封昭應其

白洪童邵一夕夢神指為祠處丞相陳公俊卿乃以

地券奉神立祠於是白湖又有祠時其神降曰去

文許脉有甘泉我為郡民續命於大飲斯泉者立

掘泥坎甘泉湧出請者絡繹朝夕愈發為井號聖

泉郡以聞加封崇福越十有九載福與都巡檢使姜

特立捕寇逢禱響應上其事加封善利淳熙甲辰民

齋葛侯郭禱之丁未早朱侯端學禱之庚戌夏旱趙

侯彥勵禱之隨禱隨答累具狀聞於兩朝易爵以妃

號惠靈慶元四年加助順之號嘉定元年加顯衛十

年加英烈神之祠不獨盛於莆閩廣江寧淮甸皆祠

也艮山之祠舊傳監丞齊公份別崇德日感夢而建

國朝康熙十九年封天妃為護國庇民如靈昭應弘仁普

濟天妃遣禮部司官致祭

天后宮 在武林門內城東北隅

國朝雍正九年總督

臣李衛毀西洋天主堂改建 李衛改

為天后宮碑記自明季萬曆間大西洋利瑪竇入中

國造為天主之名而其教遂蔓延於愚夫愚婦之口

其徒之入中國者遂大興土木營建居室於通都大邑之中我

朝定鼎以來

聖祖仁皇帝念其人生長海外遠來就化雖為說不經然皆

具心思知識未必不可教導居之京師使沐浴

聖朝德化之盛久而幡然改悟歸以教其國中之人咸知

天經地義之正此乾坤覆載之深恩不遺一物之義

也豈知荒誕狂悖之見固結而不可解哉

皇上御極之初洞燭其奸黜其人皆歸南溟不得盤踞內

地而直省之所為天主堂者以次而收顧其制皆崇

隆巍煥非編戶之所可居空之又日就傾圮去荒謬

狂悖之教而殺以奉有功德於蒼生之明神不勞力

而功成不頌費而事集此余今日改武林天主堂為

天后宮之舉也雖然自利瑪竇之人中國迄今幾

百年浸淫沉溺惑其教者未必一旦豁然有悟

矣或以為不妨存而不論以見天地之大無所不容

是其得於天而為害於人心風俗者卒未大改

天下也余既深知而不申其罪無以服附和之

諱其心無以破奸詭之膽夫教稱天主是風

雲陽寒暑彼皆得而主持之也不知未有天主

將竟無有陰陽寒暑風雲雷雨乎抑別有主持之者

俟天主出而授之柄乎此其謬一也入其教者必先

將本人祖宗父母神牌送與燬棄以示歸教之誠不

知天主生於空桑乎抑亦由祖宗父母而生也彼縱

生於空桑亦不得幸天下之人而盡棄其水源木本

之誼况人之所以敬天奉天者以天實能生人生物

耳今以生我之父母祖宗而棄絕之不知尚何取於

生人生物之天而敬之奉之此其謬二也棄絕父母

祖宗者欲專其敬於天主也然聞西洋之俗亦有君

臣有兄弟朋友且生而不絕則何不盡舉而廢之

而所以事天主者尤甚焉獨父母祖宗棄若敝

屣此其謬三也西洋之教一技一能務窮思力索精

其藝而後止設所得止及於半而死則舉而授之其

子脫其子猶有未就則復舉而授之其孫或一傳或

三四傳其藝始精則孳然推而奉之以為此可以行

教之人矣今之入中國者悉此類也夫一技一能原

無當於生人日用之重至於奇技淫巧尤為王法所

不容今既不知有祖宗父母則為其祖宗父母者當

亦不復以子孫視之獨至奇技淫巧之事父忽念其

為子而不啻箕裘之授子忽念其為父而不啻堂構

之承此其謬四也藝既精矣遂可出而設教行道矣夫既宗父母之盡棄其他漠不相識之人復何關欣戚不必窮數世之精力以利他人之用此其謬五也然此雖足為人心風俗之害而弊止及於惑其教之人其罪猶小若其居心之險則尤有大不可問者西洋去中國數千萬里而遠非經歲不得達又有大海風濤之險去故鄉離妻子跋涉而來以人情論必有所利而為之故攜帶土物造作器用其誑中國之金錢誠不可數計乃闖入其教者必有所資給人有定數歲有定額勞心焦思取中國之財而仍給之中國之人圖利者恐不若是之拙也或云每年紅毛船到必應載其國中之金錢以濟其在中國行教之人或又云彼來中國者皆善黃白之術以彼國之金錢而用之中國夫以此數人之行教而國中居守之人皆傾資以佐其用則其所圖者非利也彼既以天主教惑人而復借黃白之術以要結人心是其設心殆有在矣或又為之說曰彼其志欲行教耳好名之人能讓千乘之國何難去故鄉離妻子蹈不測之大海以博後世之名夫好名之人或有捨其身以殉人老妖一人名何為盡一國之人亦皆好名而傾資

必任之也且絡繹而來其居天主堂者所在亦有如何好名者之多也此蓋非無所為而為之者一見其技於噶爾巴矣再見其技於呂宋矣又幾肆其技於日本矣為行教計耶抑不為行教計耶且愚夫愚婦未有不以禍福動其心者今日本於海口收港登陸之處鑄銅為天主跪像抵其國者不路天主像則罪至不赦夫既為天之上而受海外一國如此蹂踐毀度卒亦無如之何其不能禍福人耶矣所精者儀器而璿璣玉衡見之唐虞矣所重者日表而指南車周公曾為之矣所奇者自鳴鐘銅壺滴漏而漢時蚤有之矣所駭人者機巧而木牛流馬諸葛武侯已行之鬼工之奇五代時亦有之至今尚有流傳之者是其說不經其所製造亦中國之所素有其為術又不能禍福人吾不知何為而人之惑之也西洋人之居武林者

聖祖仁皇帝曾有白金二百兩之賜此不過念其遠來而撫恤之彼遂建堂於此而顏其額曰勅建夫曰勅建必奉

特旨建造今以會受賜金遂冒竊勅建之名內外臣工受白金之賜者多矣以之築室遂可稱賜第乎于國憲

而昌王章莫此為甚他復何可勝道耶荒誕狂悖者宜去則有功德於人者宜祠也冒竊勅建之名者宜毀則列在祀典者宜增也天后之神姓氏顛木見於記載者雖亦未可盡信然我朝聖相傳海外諸國獻琛受朔者重譯而至魚鹽商賈出入於驚濤駭浪之中計日而出剋期而還如行江河港汊之間而天后之神實司其職神之靈應呼吸可通德功之及民何其盛哉誕罔不經者去而崇德報功之典與毀其居室之違制者改為祠宇撤其像塑之詭秘者設以莊嚴夫而後武林之人目不見天主之居耳不聞天主之名異端邪說久且漸熄其有關於風化豈淺鮮哉雍正十一年八月禮部議覆福建總督郝玉麟條奏各省城建天妃祠宇一例春秋致祭奉

旨依議

五顯靈官廟 舊浙江通志在五雲山之巔山最高

靈顯異相傳九月二十八日為神誕辰藝香者滿山谷北高峯亦有五顯廟神亦最靈

東嘉忠靖王廟 旌德觀志王姓溫氏諱瓊字永清號

子玉溫之平陽人初封地祇主令翊靈昭武將軍正

佑侯嗣封正福顯應威烈忠靖王則宋季之累加也

舊廟祀浙之溫郡其祀於錢塘則自宋寶慶二年始

時灾厲盛行有司迎王祭於忠立已杭人德王將導

迎還郡昇夫百像弗為動遷人謂王顧歆斯土府尹

袁韶奏請於朝初立觀於杭之蘇堤後徙建於城之

東保安坊南良里額曰旌德昭王仁也

謙趙希瑄徐復元金履祥許謙明方孝孺鄭濂鄭澐
柴車魏曠夏時倪岳商輅王守仁孫燧王世名陶大
臨李唐黃汝亨李中華李中楫倪元璐施邦曜凌義
梁周鳳翔吳麟徵陳良謨吳甘來王道焜陸培陳清
夫劉宗周祁彪佳王寅

國朝王佑賢五十二人俱見杭州府志又增祀姓名有府

志未載者宋袁韶明潘翊許應亨諸允修諸燮

國朝張存仁王一麟周瞻吧呂蘭顧懋樊顧景祚許昭

王法平王修王謝重綸金世臣等十六人俱見府志

觀志

宗聖曾子祠

錢塘縣志在通江橋河下其後裔曾開

因宋南遷扈蹕至杭遂立祠奉祀

柳洲二賢祠

錢塘縣志在柳洲亭左舊名子貢使越

祠祀先賢端木子

國朝康熙二十六年巡撫金鉉督學周清原從先賢行

後裔之請以舊先賢仲子祠在弼教坊者廢合祀於

此遂改今名雍正九年杭州府知府秦烱重修

英衛公廟

咸淳臨安志忠清廟在吳山神伍氏名貞

字子胥吳王夫差入越句踐使大夫種行成於吳王

許之子胥諫不聽賜之屬餒以死吳人憐之為立祠

江上名曰胥山唐元和十年刺史盧元輔修

盧元輔

銘元和十年冬十月朔散大夫使持節杭州諸軍事
杭州刺史上柱國盧元輔親奉三歲座天子書上畏
羣靈下慙烝人乃敬忠祠銘而序曰維康輿祀典於
天下廢淫置明資文事君罔有不舉寢廟既設我命
厥新有周行人伍公字子胥陪吳之職得死直言國
人求忠者之屍禱水星之舍將駭鳴革遂臨浙江干
五百年廟貌不改漢史遷曰胥山今云講山者謬也
可善父為孝記曰父讐不與共戴天諫君為忠經曰

諸侯有評臣不失國當阨於宋鄭絕楚出疆在平為
 未宦臣在奢為既壯子坎墮仗節乞師於吳軍鼓丁
 寧五戰至郢鞭墓走昭非逆施也夫差既王宰嚭受
 賂二十年內越祀又顛泰伯廟血將乾闔閭劍光先
 失公入則諫焉雖言屢出口而車甲已困於齊矣蟹
 稻已奪於歲矣屬鏹之賜竟及其身鳴夷盛疑投於
 水濱憤排鼓怒配濤作神迄今一日再至來也海鷗
 羣飛陽侯夾從聲遠而近聲近而遠奮於吳佛於越
 汝於楚乃退於是仲秋闕望杭人以旗鼓送之笳簫
 和之百城聚觀大耀威靈捲沙墨裂地灰截若岸圻
 城坑迎潮氏格之知呂梁丈人為鸞戈威才激浪百
 里渚塞不先跳橋揚旌再飯之間絕其音聲蕩潏干
 里洪波祇平有滑有曠有鹹有腥遙實乎下庭山海
 梯航鷄林扶桑交臂於節階金狻在戶雷鼓在堂魏
 鶴漢豆六代筮簣可謂奉天爵之馨香獲神人之盛
 禮佐皇震怒驅叱大邪萬里永清人觀斗氣銘曰武
 王鉞紂子胥鞭平為人為父十死一生矯矯伍員
 弓挾矢仗其寶劍以謁吳子稽首楚罪皆中紂理
 子妻娥鉏直士赫赫王閭實聽奇謀錫之金鼓以
 黃旗大舉右廣皆誅戮墓非楮瞻昭乃皇後

王嗣立執書不泣顛越言潤宰詔纔輟步光欲飛
 蘇待執吾則切諫抉眼不入投於河上自統版濤書
 夜雨至懷沙類騷洗滌南北簸蕩東西夷蠻卉服罔
 敢不來雖非命祀不讓賣濟帝帝王王代代明明表
 我忠
 景福二年封廣惠侯宋大中祥符五年海潮大
 盜衝激州城詔本州每歲春秋醮祭賜忠清廟額封
 英烈王九年馬亮知杭州禱祠下明日潮殺又出橫
 沙數里隄岸乃成政和六年加封威顯廟燬於建炎
 兵火興於紹興二十二年至三十年加封忠壯乾道
 五年周安撫淙重修嘉定十七年累封為忠武英烈
 威德顯聖王紹定四年再燬賜緡錢重建嘉熙三年
 趙安撫與權又易而新之杭州府志俗名伍公廟元

改封順祐忠孝威德顯聖王明正統十四年重修

曆八年重建

羅隱胥山廟詩市簫聲咽跡崎嶇雪恥酬恩此丈夫霸王兩亡時亦異不知魂

魄更歸無

王禹偁忠清廟詩朝驅下越坂夕照當吳

門停車訪古蹟

靄靄林烟昏青海上來勢若遊龍

奔星臨斗牛

域氣與東南吞九折排怒濤吐吸天地

根落日見海色

長風捲浮雲山椒戴遺祠興廢今猶

存殘香弔木客

倒樹哀清猿我來久沉抱重此英烈

魂吁嗟屬鏤鋒

冥爾國士冤峨峨始蘇臺棘榛曉露

繁深居麋鹿遊

此事誰能論

因之毛髮豎

落秋紛紛

國朝雍正三年

勅封英衛公其廟宇動正項錢糧修理每歲春秋二祭

忠節祠

嘉靖浙江通志在寶月山下祀吳行人伍員

齊公軒褚遂良宋少保岳飛明太傅于謙歲以八月

十五日致祭

申將軍廟

成化杭州府志在臨平斗門橋北三十步

今廟有殘碑宋季人撰謂為申包胥鄉人於此祈禱

多應

謹按咸淳志云文老相傳將軍謂楚申明父白公亂楚王命明伐之白公殺其父後人為立祠二說未知孰是

嘉濟廟

錢塘縣志一名江東廟在吳山祀秦贛人石

固宋累封王爵賜今廟額初在崇福里繼徙貢水之

東雷崗故又名江東明隆慶三年建

蕭鄮侯祠

西湖遊覽志在弼教坊奉漢蕭何宋時廟

在汴京南渡後建廟於此

周絳侯廟

咸淳臨安志在臨平鎮晉建武元年侯喬

孫卓卜居臨平即其地祠侯宋建炎中金人犯杭居

人為柵環廟以守仰視旌旗蔽空書曰漢絳侯周勃

皆雖拜而去自是靈異著聞有禱必應

顯忠廟

西湖遊覽志

在長生老人橋西奉漢大將軍

霍去病祠

葉森顯忠廟記杭之清湖開元

君有威靈將軍博陸侯也按舊志云吳孫皓

於庭自言漢霍去病求立祠於金山之誠夢

有反風滅火之應紀事傳信廟碑其

蕭王廟

在斯如坊三岳候潮門內祀漢太傅蕭望之

西朝雍正七年總督

李衛捐修題曰萬姓瞻仰

大得

乾坤正氣萃於蘭陵沉浸經義禮服一燈霍

氏專政不阿守正遇主累遷極諫靡隱出為守相化

洽平原功高馮翊子惠元元輸粟贖辜壞法不小大

言炎炎氣誓京兆和親非計蕭服為孫北藩客禮柔

達彌殷顧命欽承忠貞千古扶選率英以遇奄登賢

傳孤泣眾口鑠金弘恭石顯建賜為心貝錦中傷金

吾迫促和藥自裁義不受辱勸勸盡瘁歿為明神禦

灾捍忠廟貌維新遺像式瞻行仰也敢申贊辭神

兩浙名賢祠

萬曆杭州府志

在西湖孤山之陽祀漢

嚴光唐陸贄宋林逋趙抃王十朋呂祖謙張九成楊

簡明宋濂王琦章懋陳邁皆浙產也隆慶六年巡按

御史謝廷傑卽陸宣公舊祠改祀而徙宣公像於祠

前之恩綸閣

陳洪濛兩浙名賢祠記自昔兩浙名賢以德以功與春秋祀載在常典者亦

備矣然皆各崇於鄉未有包挾衆美撮其英標萃然

粗豆於一堂者也陸慶王申侍御豫章虬峯謝文

按茲壤乃詳覈省志尚論先哲於漢得一人焉曰

子陵於唐得一人焉曰陸機與於宋得六人焉曰

君復曰趙開道曰王龜齡曰許德恭曰張子韶曰

敬仲於我明得四人焉曰宋景濂曰王文遜曰

懋曰陳任賢爰卽西湖之陽宣公舊祠增立几筵

其世次位之不以爵舉者示崇德也標其姓氏

先生者示後學知所宗也禱有由田蕩若十

有司領之歲時供祀不以煩民者欲其久也

諸葛明王廟舊浙江通志在官閣路神爲武侯

廟在廟上錢塘縣志祀漢關壯繆侯宋崇寧元

忠惠公大觀二年加封武安王南渡建炎海賊

崇加王號明萬曆十八年封三界伏魔大帝抗賊廟

福極盛一在孤山名照膽臺向貯玉象一文曰漢壽

亭侯印一在跨虹橋北岳王墳左萬曆十五年建一

對錢塘門月城內萬曆二十六年建清波候湖兩門

月城內亦皆有廟一在吳山通元觀一在布政司前

一在城北隅一在佑聖觀內一在靈應觀側一在義

和坊相傳爲神祖廟宋嘉定間建一在干步廊一在

萬安橋有東西二廟其山門南極其巔

國朝雍正三年四月

勅封關帝三代公爵曾祖光昭公祖裕昌公父或忠公其

禮儀俱照先師廟每歲春秋并五月十三日致祭祠以太牢各府州縣俱如制

糜諸公廟 杭州府志在艮山門南神姓糜諱竺事昭

烈為安漢將軍

崇善廟 杭州府志在城北阜亭山 鮑贊崇善廟祀神姓陳氏諱珣字行

嵩會稽人也事東晉歷青揚荆廣四州刺史以武功食錢唐海鹽鹽官三邑見於李宗諤之圖經者如此梁大同二年勅封典善王後改封崇善王而失其時代歲月其見於桑衍之圖經者如此隋僧真觀於梁安寺夜夢神求受淨戒仍捨廢屋五間為於高僧傳者又如此爾後遂寢血食專供供於居士白居易之祝禱者又如此碑版載神之誕誕不經適足以証神今特撫其可於天下後世云

葛仙翁祠 舊浙江通志在葛嶺相傳晉葛洪煉丹之處

處

顯祐廟 萬曆杭州府志在舊百萬倉西祀隋司徒陳

果仁果仁晉陵人沈法興忌其威名召食毒死之忠

憤赫奕竟以神矢斃法興唐武德初嘉其功封忠烈

公後梁封福順武德王後帝號咸淳臨安志嘉

泰六年臨安以禱雨應 賜行廟額曰顯祐

友顯祐行廟祝文惟王發於陽羨而聲靈被於隣封立廟於隋唐而祀典迄於我宋說友比以初郊奉朝旨謁行祠申虔禱籤繇響答頌告太平無言不辭厥靈益顯說友亦既刊石以昭不朽近常之士民介郡守言王功適印於心乃述顛末亟聞於上於是易帝號以正季代之謬仍王爵以表大神之忠誥綸來



下恩光炳如謹已遣吏緘詞馳送廟下惟行祠在通
益并薦聞王其益庇那民祇答上賜則民事王亦永
承無

汪王廟 杭州府志在吳山大觀臺之麓王諱華唐高

祖時以保障有功封越國稱王使持節歙宣杭睦婺

饒六州諸軍事明洪武間封廣濟惠王

白馬廟 成化杭州府志在鳳山門裏州橋之北宋建

炎間建祀磁州都土地崔府君世傳渡康王者卽此

詳按神姓崔名珪字子玉
唐貞觀間徵爲滄陽令

昭忠祠 萬曆杭州府志在仁和縣忠清里祀唐右僕

射諸遂良里爲遂良故居舊有祠鄉人歲祀之

十三年郡人周環請於朝部有同新其廟宇入祀

朱錄又遂良九世孫名載者行學表於鄉歿後屢著

爲記顯靈立廟曰通聖

國朝雍正八年總督 臣 李衛重修昭忠祠

東平忠靖王廟 嘉靖浙江通志在南壁秀義坊祀唐

揚州大都督張巡巡故有廟在汴宋南渡初凡汴之

有廟者皆得徙祀於杭因祀巡於此王鍾忠靖王廟

刻記明洪武三十年里人吳興捐資重新

千勝將軍廟 仁和縣志在新橋神爲張亞夫 何敬千
勝廟記

新橋樓千勝將軍唐御史中丞張巡子亞夫也神父
守睢陽力屈而死詔贈揚州大都督妻贈申國夫人

是時神尚幼拜金吾大將軍神將家子故人以其勝
稱云宋都汴有廟祀巡神實附之南渡後將遷神為
別祀以新安橋當關之衝據高爽之地專祠以女
神像咸淳十年褒封神亭侯加福德二字昭靈貺也

陸宣公祠杭州府志在孤山之陽祀唐忠宣公陸真

西湖游覽志祠乃中書舍人洪澄別墅後屬陸公炳
自謂系出崑公創祠祀之規制弘敞吞吐湖山
之盛為一時冠

國朝雍正九年裔孫陸琨等重修總督李衛建坊題曰

湖山增勝又書額於祠曰以道事君復為撰記

嘉澤廟成化杭州府志俗呼西井寺在湧金門北城

下祀唐鄴侯李泌宋嘉定中賜廟額嘉澤廟

府志又祠在西壁坊名李鄴侯祠

四賢祠萬曆杭州府志在孤山之陽祀唐李泌白公於竹

如宋林逋蘇軾萬曆杭州府志初杭人祀白公於竹

閣後增林蘇二公因名三賢堂紹興後廢府尹馬宗

徙寄水仙王廟廡後尹袁韶徙建廢花塢元廉訪使

徐琰祀於西湖書院明天順間知府胡濬復建今處

正德元年知府楊孟瑛增祀李鄴侯再易今祠祀以

春秋楊孟瑛四賢祠記孟瑛守杭郡三年於今還符

孤山見三賢祠棟樑壞摧神之不棲而羞吏
之不恭也竊惟述仙風節山崇湖深名教攸繫自支
公蘇東坡皆杭賢守石函一封時泄時鍾對湖既關
于頃一碧兩邑之田殘溝斷流莫非遺澤到於今
賴之又唐鄴侯李公泌亦嘗刺是州穿六湖於今
民始不食鹽苦雖功不在湖而以湖為功公益
公埒易作新廟而合祀之更稱四賢祠仰惟三公治

杭事有美蹟人有遺愛率應祭法六井一湖才一事耳然杭人祀文公必於孤山祀郭侯必於湧金北城祀東坡必於湖堤鎖瀾之橋豈政以時易易則不愛與澤流流故終不可讓也今孤山之祀與北城湖橋既廢故因文公之舊而合祀於是至於推祀遺仙則宋秦定間即有之蓋義起也

潮王廟

仁和縣志在芳林鄉神為唐石瑰

僧本誠撰王廟記按

婁殊輿地志古有石姥祠舊稱載石姓瑰名生於唐長慶三年錢塘古稱海江民苦潮害王奮力築堤以捍水勢神寒刺暑不輟功未就竟死於潮後為神咸通中官為方廟封潮王宋宣和間睦寇犯順時軒廷以韓世忠禦敵陰雲四合間空中叱咤聲仰見旗幟書石姥廟神之號軍士奮勇大破寇兵嘉興州潮水復作黃堤衝岸漂蕩民居人力不能禦京尹趙公與憲躬蒞祠下潮復故道有司上其事加封忠惠公與王皇慶二年主僧宗禮率兵徒即寺朔崑崙閣廟之

廣惠廟

萬曆杭州府志在錢塘門外霍山宋乾道中

建祀唐僕射張渤

趙師白廣惠廟記霍山廟者廣德

建祀唐僕射張渤
趙師白廣惠廟記霍山廟者廣德
於王境於響答光靈之遊旁柳橫被於是繼宮竹廟
金碧丹雘連城跨郡器斿柳望為仰惟希城四方之
極百神受職是翼是衛矧王之神游所止密拱京甸
衆大之區并蒙福福顧獨未有封處安靈之地不其
闕歟乾道庚寅始卜地於霍山裏金鳩王營建棟宇
規模位置煥然鼎新廟成於紹興甲寅正月二日為
費錢十萬而判院張
宗况施助獨多焉

錢王廟

嘉靖浙江通志在湧金門外祀吳越錢武肅

王鏐宋時名表忠觀在妙因山歲久湮廢咸淳臨安志表忠觀在錢湖門外方家峪寶藏寺左錢氏五王

皆祠焉

蘇軾表忠觀碑熙寧十年十月戊子資政殿大學士右諫議大夫知杭州軍州事臣抃言

故吳越國王錢氏墳廟及其祖父妃夫人子孫之墳
在錢塘者二十有六在臨安者十有一皆蕪廢不治
父老過之有流涕者謹按故武肅王鏐始以鄉兵破
走黃巢名聞江淮復以入都兵討劉漢宏并越州以
奉董昌而自居於杭及昌以越叛則誅昌而并越盡
有浙東西之地傳其子支穆王元瓘至其孫忠獻王
仁佐遂破李景兵取福州而仁佐之弟忠懿王弘俶
又大出兵攻景以迎周世宗之師其後卒以其國入
覲三世四王與五代相終始天下大亂豪傑蜂起方
是時以數州之地盜名字者不可勝數既覆其族延
及於無辜之民罔有孑遺而吳越地方千里帶甲十
萬鑄山煮海象犀珠玉之富甲於天下然終不失臣
節貢獻相望於道是以其民至於老死不識兵革四
時嬉遊歌舞之聲相聞至於今不廢其有德於民
甚厚皇天受命降方雷以次削平西蜀江自負其
險遠兵至其下力屈身窮然後束手而河東
戰守死以抗王師積鬱為城瀧血為池竭
僅乃克之獨吳越不待告命封府庫籍郡
朝視去其國如去傳舍其有功於朝廷其
以河西歸漢光武詔右扶風修理其父祖

太平今錢氏功德殆過於融而未及百年墳廟不
行道傷嗟甚非所以勸獎忠臣慰蒼民心之義也臣
願以龍山廢佛祠曰妙因院者為觀使錢氏之孫為
道士曰自然者居之凡墳廟之在錢塘者以付自然
其在臨安者以付其縣之淨土寺僧道微各度其徒
一人使世掌之籍其地之所入以時修其祠宇封植
其草木有不治者縣令丞察之甚者易其人馬幾永
終不墜以稱朝廷優恤錢氏之意臣并昧死以聞制
曰可其妙因院改賜名曰觀心觀銘曰天日之山茗
水出焉龍飛鳳舞翠於巖安篤生異人絕類離羣奮
挺大呼從者如雲仰天歎曰金笏玉冊虎符龍節大
海為東殺宏誅呂奄有吳越金笏玉冊虎符龍節大
城其居包絡山川左江右湖控引島嶼歲時歸休以
燕父老暉如神人玉帶裘馬四十年寅畏小心厥
籬相望大貝南金五朝昏亂罔堪托國三王相承以
待有德既獲所歸弗謀弗吝先王之志我維行之天
祐忠孝世有爵邑允文允武子孫千億帝謂守臣治
其祠贖毋俾樵牧愧其後昆龍山之陽歸焉新宮匪
私於錢維以勸忠非忠無君非
孝無親凡百有位視此刻文
萬曆杭州府志嘉靖

三十九年以靈芝寺改建

陳柯改建錢王祠碑記于少讀蘇子瞻表忠記

然念錢王於吳越之民其德厚矣予繆守茲土者蓋王故苑也幸蒙
梅林胡公等改祠於靈芝寺蓋王故苑也幸蒙
成子又病東坡手碑殘剝也為易石摹刻之以
新祠使謁王祠者讀茲文以思王德於幾斯祠斯文
相與傳千百
於無窮也

國朝康熙四十四年

聖祖仁皇帝南巡

御書保障江山四字額敬摹勒石祠內雍正三年

勅封誠應武肅王五年總督

臣李衛重寔委經

監修

李衛重修錢王祠碑記士君子

振振流俗即可以叨祠祀現生平
若一人俯護焉然則春秋殷馬雖千百
之浙有武肅王封自梁唐相沿奕葉其功

冊乘志既詳哉言之矣厥後褒嘉忠悃爰建祠於東
陽又建表忠觀於西湖之濱凡武林士民且祈且報
累累勿絕亦足以見惠澤所被果深且遠也雍正丁
未歲我

皇上嘉其靈爽

勅封誠應而舊觀傾圮殊不足以肅瞻仰因令剋期修建

以底厥成夫王之廢興成毀也尋無窮宋以妙因院
佛寺改奉為觀而與在熙寧者旋又廢諸明代嘉靖
中再卜地於錢王故苑而是觀復立遂塑王像并子
文穆孫忠獻忠遜忠懿諸王俱祠之迨嘉靖迄今又
數百年而故址頽圯幾於再廢矣自有此建庶幾望
其門其靈斯在焉其像其神乃依是又足以廓宋元
明之宇而舊典非新也是役也始於丁未十一月迄
戊申八月竣事觀傍西湖山湖而上則行階歷階而
進則有坊有亭以奉

御碑有橋以駕碧沼有門二重有殿有樓殿供王像樓供

王得姓之祖商賢大夫循舊制也前後有牆東西有
廊其間魚鱗鳳集藻井綺疏無不照灼而選材堅固
則又足以為久遠之計從此幸茲土者加意保護俾
爾軍民勿輕褻越則是祠廟貌其與錢王之德而俱

承

錢文穆王祠

吳越備史天禧七年十二月以龍山武

功堂為文穆王廟

顧泰將軍廟

杭州府志在西湖金沙港祀吳越時孫

顯忠武林舊事將軍錢塘人仕吳越嘉熙中趙與權

尹京禱雨有驗奏聞封天澤侯額曰勅賜平應之廟

諭均重建天澤廟記履泰將軍廟隸錢塘之金沙港

去郭十五里許地故僻不屬通衢而廟隘僅

垣敗瓦隱約桑柘間罔有過而禮者萬曆中

金華將軍廟

萬曆杭州府志在湧金門內

曹杲真定人文穆王時官婺州刺史忠懿王朝宋

鎮撫國中即城隅浚三池引湖水入城以通舟楫王

歸嘉其功賜池名曰湧金立石池上卒後見神於豐

豫門有反風滅火之異土人立廟肖像迄今歲祀不

絕

昭節廟

萬曆杭州府志在保安坊

軌者仕為殿侍東第三進宋太祖受禪二人守宣祐

門拒弗納既乃自他門入二人死之太祖以為忠聽

本班廟祀南渡後立廟吳山寶祐三年賜額景定中

凡三封侯爵

靈惠廟

成化杭州府志在孝女北管下墟神姓謝諱

達字明遠歿而顯靈宋建炎初金人犯境忽聞空中

金鼓聲旌旗振耀顯露謝公神號金人遂過鄉其

焉隣境屢有虎豹不入其境咸淳庚子元夕鄉人夢

神云今歲當大旱宜先開井浚源夏秋果旱賴井

田成熟自後旱潦祈禱輒應事聞賜額

昭祝廟

咸淳臨安志在候潮門內渾水關東故

郎官張夏祠四朝聞見錄杭州江岸率各築土廟

衝擊不過三歲輒壞夏合作石堤一

潮既成杭人德之慶曆中立廟於堤上嘉

功贈太常少卿政和二年八月封寧江侯

濟公併賜額曰昭祝

上修類張司封安太常卿進士仁宗嘉祐中出

名夏字伯起正史作兵部郎出前為兵部郎也善碑

作張太常出後嘉祐又有功而贈為太常少卿也宋

國朝雍正五年

勅封靜安公春秋致祭

安濟廟

錢塘縣志在馬坡街俗名祖廟祀宋安濟公

張夏初夏治潮患築石塘自六和塔至東青門人德

之立祠堤上今廟址正宋東青門外元始拓入城內

按宋東青門俗呼菜市門今名太平門與清泰門相

距里許今馬坡街在清泰門傍則是廟或即舊時堤
上所立後入城奉為土穀者也

范府君廟 仁和縣志在梅東高橋東相沿祀文正公

范仲淹

顯慶廟 錢塘縣志在風篁嶺祀宋郡守胡則當宋仁

宗朝再牧杭州有惠政退老西湖卒葬於此數是

吳遂立廟祀

國初雍正九年總督 李衛重修

三忠廟

成化杭州府志在豐樂橋俗名三平
食於鳳翔府和尚原宣和間方臘寇睦封

神凱還奏聞始封為侯中興初屢以陰功助順因建

廟賜額曰旌忠

黃由旌忠觀記旌忠觀者為宋元豐

高諱永能 緜州人景諱思誼 晉州人魏諱博古 河南

人元豐五年有事於銀州三君同出戰死事聞朝懸

其節資郵休洽尋廟祀之初觀之立也實在清冷橋

北隆興受禪上欲斥廟垣之地廣養親之宮乃撤淨

圖覺苑寺易之嘉泰辛酉春省城不戒於火一夕宮

館蕩為浮埃主觀陳元直慨悼成績先斥厥儲初得

太師韓王請於朝賜內帑錢五百萬已而循和二三

復與巨室之所向慕者益以金帛佐其役始事於是

年之夏歷三歲而克
成規模視前益侈

周元公祠

錢塘縣志在清波門外錢家灣祀宋濂溪

先生周惇頤

王光蘊謁濂溪先生祠詩先哲遺芳躅

四壁流文藻手峯結翠陰
渚蘋秋可擷仰止意何深

國朝雍正九年總督臣李衛重建

二程夫子祠 杭州府志在吳山之麓祀先儒二程子

協順廟 西湖游覽志在石塚其神陸圭昭慶軍人宋

宣和中引兵攻方臘敗之歿而為神紹興間海濤衝

激江岸神檄陰兵却潮潮勢遂平淳祐間江潮衝激

尤甚隨築隨圯神與三女揚旗空中浮石江面以顯

其靈岸賴以成浙西帥臣徐桌以聞於朝賜廟額曰

協順封神為廣陵侯三女為顯濟通濟永濟夫人傍

有小廟祀十二潮神各主一時 朱熹尊謁廣陵侯廟詩并序錢塘江千有

廣陵侯廟乙未三月展謁祠下按枚乘十發觀濤於廣陵之曲江世疑廣陵國為今揚州府治然元季

思復試羅刹江賦證曲江即浙江揚廉夫題之

曲江處士而曾子固撰越郡趙公救災記中有廣陵

斗門合之伍子之山符母之場疑義可析因賦絕句

紀之昔聞江月松風客賦證錢塘是曲江不見郊關

廣陵廟靈風長拂舊旂幟

惠應廟 錢塘縣志在吳山至德觀右祀宋東京皮場

鎮土神張森神素事神農凡疹疾瘡瘍有禱輒應宋

政和間賜廟額封王爵南渡初移像至杭立廟咸淳

間加號明靈昭惠慈祐王 祠在吳山

撤沙護國夫人廟 仁和縣志在皋亭山 世寧護國

世居仁和裔出倪氏時值金兵充斥神尚德閩女避

亂郊野飢寒迫切狼狽西垺里人憐其捐軀守志瘞

於皋亭之半山金兵長驅南逐顯靈助陣狂風大作

向北揚沙金人目盡督乘兵鼓勇前擊俘斬無算高

宗即位首崇祀典勅封撒沙護國顯應半山娘娘立廟塑像

忠烈廟 成化杭州府志在西湖北山棲霞嶺王姓持

名飛初諡武穆寶慶二年改諡忠武元至正申加諡

保義明洪武四年稱宋少保鄂國武穆王萬曆杭州

府志景泰間請於朝賜春秋祀及忠烈額宋史岳飛傳紹興七年

年秦檜主和飛言金人不可信和好不可恃相臣謀

國不滅檜銜之十年金人攻拱亳命飛馳援飛輕騎

駐鄆城兀木兵逼飛奮擊大破之進軍朱仙鎮自燕

諸君痛飲耳方指日渡河而檜欲割淮以北棄之

先召張俊湯沂中歸而後言飛孤軍不可久留

班師一日奉十二金字牌飛憤跪泣下東向哭

副使詔同張俊措置韓世忠軍後欲與

軍飛義不肯會檜捕世忠軍吏景著

書告以檜意後密以告檜檜大怒風万俟卨劾飛罷

樞柄又論張俊劫王貴誘王俊誣告張憲謀還飛兵

柄捕飛父子飛笑曰皇天后土可表此心何錡鞫

之閱實無左驗改命万俟卨誣飛與憲書令虛聲

探報以動朝廷雲與憲書令措置使還飛軍吉其書

已焚飛坐繫兩月歲暮獄不成檜手書小紙付獄卽

報飛死雲棄市籍家資徙家嶺南孝宗復飛官名榜

以禮改葬求其後悉官之建廟名榜忠烈

志廟貌恢特蓋斥智果院名榜兩廡刻其所製滿江

紅詞併送張紫巖北名榜獨有流芳亭石刻王像

存焉鄭元祐重建王起卒伍至將相謀審戰勝以模施設離古

請於君君遂以與復為已任市材鳩工前為廟門
 以兩廡正寢中像王右像王之左武大夫忠州防
 禦使左像王之將龍神衛四廂都指揮使閩州觀察
 使燕寢中像王父母眾王夫人咸在焉王故五子忠
 州君既以侑食於正寢次任忠訓郎閩門祇候
 署郎次任朝請大夫敷文閣特制贈中奉大夫次任
 朝奉大夫提舉江南東路常平事及其次任修武郎
 閣門祇候以及王之女號銀瓶娘子并閩州君之夫
 人與夫王諸孫名位通顯者皆肖像以祀焉王部曲
 諸將張憲烈文侯徐慶昌文侯董文侯牛阜輔
 文侯李質崇文侯王貴尚文侯李君懋廟祀之或缺
 有田一百餘畝歸之廟為祀田廟既落成杭守上官
 一再致祭乃為叙述其事胡銓弔岳太尉詩正馬吳
 江誰著懶惟公攘臂獨爭先張皇貔虎三千士指柱
 乾坤十六年堪恨臨淄功未就不知鐘室事何緣石
 頭城下聽輿議萬姓羶眉亦可憐林景熙弔岳忠武
 詩寥落一杯在英雄萬古冤孤忠懸白日遺恨
 原樹老殘霞淡摩深斷碣昏東南天半壁往
 猿于謙忠烈廟詩匹馬南來渡浙河汴城宮
 表中興諸將誰降敵負國奸臣主議和黃葉古

引朱仙鎮不見將軍奏凱歌

國朝順治八年巡撫范承謨重修康熙二十一年兩淮

使羅文瑜重建三十四年杭州知府李鐸重修雍正

九年鹽驛副使道江承焱重葺

忠烈二侯祠

萬曆杭州府志在眾安橋南東本巷祀

宋封繼忠侯岳雲烈文侯張憲武穆之子憲武穆

部將武穆死於獄二侯就戮此地里人憐其冤立祠

祀之

忠祐廟

嘉靖浙江通志在岳武穆王故宅今按察司

治之左宋紹興三十年建王卒時有女尚幼抱銀瓶

赴井死附祭於此俗稱銀瓶娘子廟并在廟東北明

正德間按察使梁材築亭覆之榜曰孝娥井楊維禎

樂府岳家父國之植秦家賊城之傾皇天弗靈

父與兄生不贖父死不如無生千尺井一尺瓶

之水精衛鳴王逢銀瓶娘子祠詩碧梧月落烏

寒泉幽凝金井淋綺疏光流大星墜夢驚萬里長城

亡女郎報父收罔匍匐將身贖無所官家理明如

漢主妾心愧死緹縈女井臨交衢下通海

井不改銀瓶同沉意在萬歲千秋露神彩

歸來風颯然思陵無樹容啼鵲阿爺墓本西湖

張烈文侯廟嘉靖浙江通志在東山街口墓所祀宋

張憲景定二年追封烈文侯唐阜張烈文侯

或曰其地以功授閩州觀察使御前

去武穆不遠百步許地日東山街口正

宇樹石坊於通衢接

國朝康熙十年巡撫范承謨重建

資福廟錢塘縣志在江干祀宋烈文侯張憲景定二

年建於忠壯鄉地方以侯得名

翊忠祠杭州府志在忠烈祠神宇之西

者允升建州布衣聞岳飛被逮上疏訟其冤秦檜大

怒下棘寺論死全燬前祠

靈衛廟嘉靖浙江通志在錢塘門外祀宋錢塘令朱

躡及尉曹將金勝祝威錢塘縣志皆建炎時死完顏

宗弼難者鄉人立祠署曰金祝二太尉廟鄭子文金

廟記神姓金諱勝姓祝諱威同為錢塘尉曹總日建
炎己酉兀木闖兵於杭民避寇蕭山城無禦備錢塘
宰朱蹕鳩鄉丁僅二千赴餘杭邀擊陷陣而沒兩太
尉集洞兵遠據葛嶺編竹覆泥為塗以禦翼日敵騎
颺至踣躓而踣仆者鱗疊軍聲大振兀木辟易數舍
退赤山執居民為鄉導得由南壁而入兩太尉力
護西隅以寡制眾竟歿王事鄉民具馬革駢葬陽雲
源處右因立祠於死節之所今錢塘門側是也血食
一境已踰百禩四時賽祭居者蒙其祐病者十年賜
禱而痊無疫癘無歲災無橫肆神所賜也

廟額曰靈衛景定二年安撫洪燾以神號請封金曰
忠佐侯祝曰忠佐侯咸淳四年士民請增蹕附廟封
顯忠侯元末燬明洪武七年重建宣德成化再經修
葺弘治十二年鎮守太監麥秀巡按御史鄧璋
令吳道等重建萬曆初縣令姜召增建後殿

顯功廟 咸淳臨安志在錢塘門外保叔塔下神姓岳

名琚家於霍山為臨安府吏建炎初金人犯境神輸

家財募勇士三百人推錢唐尉曹將金祝二人為首

領迎敵死戰里人懷其功即四聖延祥觀祠事之號

保稷山王嘉定初建廟今處咸淳四年制詞朕惟六

一人敵于所獲每念為之撫然爾神克奮孤忠輸財
募死士得二將率眾三百卒奪金人南下之盛氣一
境賴以安存今經百有餘年二將已都顯號而神獨
無以旌其靈可乎哉進賜通侯宜在以勞定國之典

廣福廟 萬曆杭州府志在鹽橋上祀宋蔣崇仁西湖

志崇仁仗義樂施做常平法以家資羅穀賤糶以救
貧者其弟崇義崇信亦承兄志行之六十七年聖人
立祠祀之咸淳初京尹潛說友請於朝賜額曰
廣福封崇仁孚順侯崇義孚惠侯崇信孚侯

靈應廟

成化杭州府志在小麥嶺下飲馬橋邊

西湖游覽

志其神蔣通質直孝親宋紹興十一年七月坐化桐木下時騰曦熾烈七日如生累見靈異境內賴之事

忠勇廟

咸淳臨安志在九里松神係統制張玘紹興

三十二年解海州圍用命戰歿贈容州觀察使建廟

海州其後又詔別建廟於臨安府行春橋之側

洪忠宣公祠

錢塘縣志在葛嶺祀宋太師洪皓建炎

初使金不屈羈冷山十五年放歸賜第西湖

建祠焉久圯

同治正九年總督

臣

李衛重建

朱行人祠

錢塘縣志在九里松祀宋行人朱弁

孫毅通詞

副使朱公祠記宋秘閣朱公諱弁字子章婺源人副王倫使金留十七年瀕死者屢矣送徽廟大行哀辭有曰嘆馬角之未生魂消雪窖攀龍輶而莫逮淚灑冰天高宗讀之感泣後以和議成與洪皓張邵俱歸卒葬錢塘九里松仙步嶺下浮梁陳公大授來督兩浙學表彰忠義卜地普福寺北天醫院左構祠

楊和大王廟

舊浙江通志在方輿神為楊沂中紹興

間賜名存中大小二百餘戰屢立奇功有墳在焉

府志存中祖宗閔父震皆死難存中既顯詩於朝宗閔諡忠介震諡忠毅賜廟曰顯忠日報志

朱文公祠

杭州府志在孤山之陽明嘉靖四十四年

建祠錦塢山題額紫陽書院

張安茂為記并頌

國朝順治丁酉公裔孫以錦塢山峻歲久傾圯白於督撫

陳應泰巡按王元曦督學谷應泰移建今處

張宣公祠 杭州府志在清波門外方家峪祀宋張宣

吳南軒先生祠 吳大冲張宣公祠後記先生祠向在

振始也太冲婦翁夫與先生實先生二十世孫其猶

子恐齋沈揚庵淳又重新之肅心湯張宣公祠記南

軒先生入侍經緯出臨藩臬忠誠格心巍然公輔之

望蜀之縣竹厥有專祠從忠獻公家武林而錢塘之

忠節祠 嘉靖浙江通志在筆架山方家峪祀宋太學

生徐應鑣 呂本忠節祠記錢唐忠節祠祀宋太學

子琦崧女元娘者也公墓在方家峪向未有祠之

建祠賜額有司春秋致祭則自明弘治乙丑始正德

丙子梁公材事建祠宇迨今萬曆丙子又六

誠得死所矣

馬宮靈王廟 仁和縣志在褚家堂廣豐倉側神姓周

名雄字仲偉杭之新城淶渚人以屢顯靈進封王爵

鐵養廉周宣靈王像贊并序王生於宋季銳志恢復

抑鬱以歿其忠誠激烈固宜與日月爭光矣碑載幻

蛙事尤奇每歲三月四日傳王降生之辰蛙於時修

東後去光彩特異予所親睹豈望帝之魂千載未泯

耶至捍災禦患數著靈應里人香火甚虔與諸僕射

岳武穆相鼎峙余感其事并系以贊髯如戟今日如

炬矯矯如龍兮桓桓如虎大業未酬兮壯心獨苦寧

死為厲兮母生而為鼠英風漠漠兮香雲楚楚享俎

豆於千秋兮永為我

謹按周官靈王周姓諱雄字仲偉杭之新城縣太平
鄉漆渚人浙省是處立廟其在杭城者錢養廉序
生於宋季銳志恢復抑鬱以歿其在新城者方
記止載歿後靈爽不言神生前事徐士晉碑記稱
買於衢間毋病破浪而行為水所沒顯神於衢
江神其在衢州者志載肉身斂布加漆現今衢
中餘與徐記同至錢廣居建德縣神廟記云
華後改名繆宣少授仙指失足墮水溯波而上香
數十里因而建廟塑像於衢城之西詳觀諸記
孝或稱忠或稱節顯不相侔又方回記錢廣居
壽年代亦各不符然豈祀為江神其肉身又
府廟中則為孝子無疑自應以徐記及壽志為
稱忠稱仙或另一神諱雄諱繆宣或傳會
確據今仍舊志備載各記於各府縣神廟之下

馬騰廟 錢塘縣志在溜水橋祀宋馬雄

人東西居共為田園之勝故名

史稱為散花灘處後為劫灰僅存雄武二王祠
名之曰馬騰廟以虔土穀香火考二王為馬公雄
公武有忠謀於宋而七十尺同沉
里氓婦豎無不稱說二王云

金龍四大王廟 杭州府志在孝女北管下墟祀宋謝

緒 陳繼儒金龍四大王傳神姓謝諱緒以謝太后戚
馬甲戌八月大霖雨天目山崩緒泣曰天日主山也
而火若此宋其亡矣德祐二年正月帝遣楊應奎上
傳國璽降表削去位號三月伯顏起帝及太后入觀
牀以出侍衛七十餘人同赴燕絳大勸題詩二律書
畢赴水死時茗水洶湧高丈許狀若龍鬬緒尸逆流
而上經旬不仆而目如生遠近駭以為神耐葬於
崇金龍山之麓元末鄉落皆夢緒為神曰黃河北流
明年當有呂梁之戰吾且提甲騎助之丙午春黃河
果徙而北二月元擴廓帖木兒遣驍將左丞相李二
來寇時傳有德守徐州將步騎二千餘泝舟呂梁舍
舟陸戰戰陳中見金甲神行空橫槊刺副將韓一於

馬卜此神預夢助戰之驗也其後往來擁護漕河猝呼猝應或舟膠拔之淤泥壅塞之下或舟覆脫之風濤巖險之中輒卒販商南北往來於祠門者惟神是恃合手稱金龍四大王焉

國朝順治二年

勅封顯佑通濟金龍四大王之神

淮安忠武王祠

成化杭州府志在前洋街祀元丞相

伯顏元貞元年建

劉敏中淮安忠武王廟碑世祖恢崇丕緒一時心腹爪牙之寄宜勞戮力皆極其選至於出入將帥動協廟謨越長江接

全宋致有元之感而成不世之功者曰惟忠武王獨上之居儲闈也雖王功烈俾廟於杭始嗣位勅以帑十萬緡成之且勅車馬而以其辭命望中謹按王諱伯顏朔方人至元初以宗正少卿一與語異之輒置左右弗遣未幾拜光祿大夫書左丞相七年同知樞密院事十一年再拜廷議以宋侍驗拘我信使資我叛臣詔王

不殺平江南今以大師昇汝汝為曹彬可也王拜介故行不至其家是年十二月渡江明年五月被召入廷其陳始終規畫七月拜中書右丞相八月還南明年正月宋降拜金紫光祿大夫知樞密院事進開府儀同三司太傅錄軍國重事春秋五十有五有九以疾薨於京師進封淮安王諡曰忠武

萬曆杭州府志

在武林門北夾城巷內祀元

吳成仔戍仔江西清江鎮人元初輸文錦於上都因

而戶解人以為神立祠祀之後蘇靈江沿湖洪武初

封平浪侯二十三年浙江都指揮儲傑以督漕獲庇

相建今祠

總管廟 在清波門流福溝祀金元七總管之神神為

水神廟始建不可考

國朝雍正七年里人王森等感其靈異改向重建

嚴指揮祠 成化杭州府志在最樂坊神姓嚴名德字

君輔當塗采石人洪武元年統軍取台州力戰死

贈驃騎上將軍副大都督府事上護軍天水郡公

有司建祠俾其子孫崇祀焉

褒忠祠 萬曆杭州府志在錢塘學宮之東改清軍公

館為之祀明建文間死事諸臣呂本褒忠祠記待

嚴實祠祀在寧海則有文學博士方孝孫太

盧原質在瑞安則有戶部侍郎卓敬在奉

拾遺戴德彝在仙居則有戶部侍郎盧

鄭忽在山陰則有都御史陳性善在黃

修撰王叔英在青田則有谷府長史劉

有江西副使程本立在義烏則有都給

降海則有東平州吏目鄭華此十二人者俱所

於所事有死無二者至如翊忠翊義則寧海御史

公智僉事林嘉猷斯皆兩浙之產正氣攸鍾侍御

請建祠會城春秋秩祀額曰褒忠若夫王叔英鄭忽

之妻死其夫子死其父一門全節世所尤

祠中亦足以樹閭內之風聲矣

國朝康熙五十八年舉人潘兆新廩生范玉鈐等因饑使

差滿常假館其中木主散失額請整飭舊祠俎豆勿

替

忠節祠 萬曆杭州府志在按察司署內左偏祀浙江

按察使王良傳詳前卷劉瑞忠節祠建歲壬午浙江

茶槽廟 仁和縣志在會城東當錢塘盡界沿江七十

里北至阜亭山屢受潮患明永樂間茶商陳旭出囊

金築塘不成遂躍身入潮沙隨屍而漲塘乃成勅封

茶槽土地興福明王迄今久無潮患士民戴德爭奉

其神有上新中新下新等祠

褒忠祠 錢塘縣志在瑪瑙寺左祀明監察御史夏誠

誠殉土木之難舊有像附攝清祠有司以揚清非公

妥神之所裔孫夏時登移像專祠

旌功祠 萬曆杭州府志在三台山祀明少保張

書贈太傅諡肅愍于謙西湖游覽志弘治中賜

愍表祠曰旌功有司春秋致祭萬曆十八年改諡

肅張鏊旌功祠記正統間國家有土木之變而旌克

底定少保兵部尚書于公之功也無何以繼死天

下哀之杭人即公南新街故宅為位奠哭而歲時拜

謁焉既而詔復公官遣祀而諫以文曰謙之忠予憐

之於是杭人呼南新故宅曰憐忠祠敬帝廟位贈官

賜諡詔曰予旌功旌成春秋祀公與武穆皆葬於杭又皆

墓下建旌功祠成春秋祀公與武穆皆葬於杭又皆

祠三台去樓南北對峙祠前春露隱緋袍

上皆赤天定云寶于少保祠詩詞前春露隱緋袍

隔岸松聲應海濤伯紀空動復計子儀還重廓清

-5 250 35 875" data-label="Text">

勞我陳薄奠聊三獻誰作長歌當一號岳墳纜

數里白雲湖上兩峯高朱彝尊于忠肅祠詩昔在狼

山下軍書犯近垆大師輕騎漢萬騎失雷霆土木塵

長滿龍蛇歲不寧豆田河浩浩黍谷路冥冥濟世須

元老長材總四莫從容持國計指顧悉兵形瑕呂安

羣議劉琨表外廷嗣王仍曆數高廟有神靈既罷金

縉款無煩白馬祠北轅旋翠輦南內啟朱局命已甘

刀鑊功真益鼎銘春秋降代祀俎豆肅維馨一自軻

祠祀

學

車至難期埃火停遺墟愁戰伐大樹日飄零碧草空
祠長黃鸝過客聽霜鐘沉曉月風牖繞明星下壺誰
終墓巫陽數降庭讖還思雨帝碑欲墮江亭遠水
澄湖碧流雲暗壑青千年華表鶴哀怨此重經

同仁祠 萬曆杭州府志在武林坊祀巡撫江西都御

史謚忠烈餘姚孫燧兵部尚書謚端敏前江西按察

副使仁和胡世寧新建伯巡撫江西都御史謚文成

餘姚王守仁 唐龍同仁祠記同仁祠御史周汝員所

濠之亂以死勤事捍大患法皆得祀功在江西而浙
輔車之地繼被其休故祀之况鄉先生沒而祭於社
柳亦禮乎紹始於嘉靖丁酉十一月戊戌三月乃考
成焉位以尊叙從也食以功合以義起也
祭每以六月十四日濠以是日舉兵孫公之故
是日也合食一堂連輝千祀瞻仰俎豆能下

手 裏

黜賢祠 杭州府志舊名天真精舍在天龍寺之左祀

明王守仁以徐愛冀元亨薛侃鄒守益歐陽德王艮

王臣劉魁錢德洪王畿蕭廩陳善配享 蕭廩黜賢祠

天真精舍燬陽明先生祠在沒入官後五年蒙恩復
而片先是撫臣原按臣鳴謙上言浙省故臣若墓若
謙若懋或以功祠或以德祠亦或有以額賜祠者守
仁之功視基視謙無愧其學視懋日有光宜有特祠
以垂永久於是賜額黜賢濶若水天真精舍謹道
訪天真歷歷登斯堂灑落南高峰脚臨錢塘地位
高且深如道不可言言人久已逝山水空遺光龜疇
別方位如計天文如計地未一試千載恨相望我來
生感慨久要不可忘陳
祠之不足繼以真心否

發祥祠 萬曆杭州府志在南屏山西麓祀昌化伯邵

以誕生孝惠太皇太后也嘉靖十八年建祠墓下

賜今額

褒忠祠 萬曆杭州府志一在棲霞嶺西祀明杭州前

衛指揮陳善道吳懋宣冠帶總旗張儒海寧衛指揮

滿朝采煉馬呈圖千戶王繼隆百戶康毅楊臣王相

姚岑呂鳳姜楫海門衛立功指揮俞亨呂國衛百戶

陳爵陳表三江巡檢張杲鐵場巡檢喬仲厚平湖縣

典史喬登皆以倭變陣亡海寧衛赭山長沙灣等處

嘉靖三十二年巡按御史趙炳然請於朝廟祀一在

棲霞嶺東改鳳林寺為之祀明遊擊將軍宗禮都督

揮邵昇指揮僉事姚泓贈指揮僉事于岳皆以倭

陣亡柘林三里橋等處嘉靖三十七年總督都御史

胡宗憲請於朝建祠春秋致祭

揚清祠 萬曆杭州府志在忠清里祀四川按察僉事

王琦刑部郎中項麒 陳一貫揚清祠記王琦由鄉

進士為按察僉事致仕貧甚寒

餓卒項諱麒亦鄉進士改南京刑部郎中乞歸饋糜

僅餬口闔戶歌吟矣然有得初唐忠臣褚太傅遂良

杭人也二公實結於太傅里日表其里日忠清并祀

二公於太傅之旁嘉靖二十年予從弟仕賢為杭守

別建一祠然制頗隘不稱予適繼守府得近坊

疑真庵迎神祀於中改題日揚清用別褚太傅也

報功祠 萬曆杭州府志在忠慶巷內祀巡撫浙直江

福少保兵部尚書胡宗憲

阮公祠 杭州府志在武林門外祀明都御史阮鶚扁

而民不重困號口均平冊仍疏於朝請著為令蓋公所建卽宋人僱役遺意而抑橫徵寬民力其德於浙人甚鉅今去浙三十餘年歌思彌切專祠於西湖之陽誰曰不肖

甘公祠 杭州府志在芝松里虎林書院之陽祀明浙

江巡撫甘仕焮以陳善配萬曆三十七年建

姚公祠 焦浙江通志在城隍廟儀門東祀明郡守姚

之蘭傷名德粹祠城隍廟志其西為金公祠祀明郡

人福建巡撫金學曾

邵弘毅祠 錢塘縣志初在玉泉山後徙靈鷲山祀明

員外郎邵經邦萬曆初建 經邦仁和縣人以書事

廷杖謫戍著有宏道宏簡 後事白里人公

祀鄉賢立坊於城內曰麟翔鳳彩其後人皆能世其

家業有聞於時公仲子穆生復以靈鷲山別業改建

專祠奉本至於丙春秋祭焉

李文襄公祠 在西湖葛嶺之陂祀

國朝文華殿大學士吏部尚書前浙江總督李之芳雍正

八年總督 李衛以廢祠改建

范公祠 杭州府志在孤山之麓卽四賢堂舊址祀

國朝浙江巡撫都御史范承謨 傳詳 以其友稽永仁王龍

光沈上章林能任四人從祀皆從死耿逆之難者歲

給錢塘學租銀八兩以備祭祀 李之粹范公祠記孤山之麓自林處士妻

梅子鶴後至今數百餘載月冷梅荒憑弔遺踪者每
有撫今追昔之感忠貞范公以中丞撫浙時卽其故
址構亭補梅幸復舊觀慕先賢之芳躅續久廢之勝
迹繼奉簡命總督七閩乃值逆藩猖亂肆虐忠貞介
家殉難浙人慕德興悲因立祠於
放鶴亭側蓋亦羊公之墮淚碑矣

范公祠 錢塘縣志在藕花居卽湖山書院祀

國朝巡撫都御史王國安

敬一祠 錢塘縣志在孤山四賢祠側祀

國朝巡撫都御史趙士麟

吞金祠 錢塘縣志在葛嶺卽吳錫妻戴烈婦

諸公祠 錢塘縣志在鳳林寺左祀

國朝浙將軍諾羅布內有君子泉歌詩說祀

忠義節孝祠

國朝雍正元年九月初五日欽奉

恩詔內開一旌表節義給銀建坊民間往往視爲具文未
曾建立恐日久仍至湮沒不能使民間有所觀感着於
地方公所設立祠宇將前後忠孝節義之人俱標姓氏
於其中已故者則設牌面於祠中祭祀用以闡幽光而
垂永久着該部議奏欽此隨經部議欽遵各府州縣俱
建立忠孝節義祠男祠設石碑一座女祠設石碑坊
一座鐫列姓名用垂永久錢塘仁和二縣忠義祠在
本縣學宮內節孝祠俱在吳山下知縣楊夢琰胡作


柄奉文建

賢良祠 在杭州府學內仁和學西首

國朝雍正十年二月初五日奉

上諭我朝從前文武大臣持躬正直奉職公忠樹績建勳完名全節者朕已降旨於京師建立賢良祠永遠展祀以彰令善因思外任大臣鎮撫封疆宣諭布化忠勇効命戡愛宜民其政績卓然可紀者身故之後若於本地建立賢良祠俾得永膺祀典既足慰兵民懿好之公亦足為後來居官者之勸如近日之將軍蔡良提督雲總兵蘇大有魏翥國皆素有賢聲勤勞王事

皆者允宜在賢良祠之列着直省各於省會之地建立祠宇其與祀之人若追溯從前恐稽查未確或致濫膺亦未可定不若即從近年為始向後若有應請入祠者該地方官督撫於一人各具一本請旨不必彙奏其一切事宜着九卿妥議具奏特諭欽此九卿議覆應令該督撫於各省城建立祠宇將蔡良魏翥蘇大有魏翥國四員先行製牌入祠永膺祀典以作楷模其近年各省督撫將軍提鎮等大臣有政績卓然可紀及此後外任文武諸大臣著有賢名於身後應請入祠者詳查事實博採公評一人各具一本據實繕奏恭



請

欽定一體入祠致祭其祠宇正廳三間廳內正中製造神龕一座遇有應行入祠之大臣製造牌位安設廳前東立石碑一座西設燎爐一座二門樓一間大門三間大門內東西值房各一間大門外柵欄一道照牆一座工料等費俱於公項內動支工完造冊報部查核每年春秋二祭照各省名宦祠之例令該地方官備辦入於祭祀銀兩內開銷所建祠宇應請

欽題寶良祠扁額恭摹刊刻懸掛以光大典以

旨依議欽此欽遵檄行仁和錢塘二縣擇地興


料銀五百九十九兩於仁和縣學之西如式建造

正十三年總督銜管浙江巡撫事 臣程元章以前任

浙江總督陞文華殿大學士兵部尚書謚文襄李之

任浙江巡撫陞戶部尚書謚恭毅趙申喬各

題請入祠致祭經部議以應如所題覆奏奉



天保癸巳

